

LITURGI KAMIS SI BADIA

Tema
“Peraten Tuhan Min Jadi”

KAMIS, 02 APRIL 2026



**GEREJA BATAK KARO PROTESTAN (GBKP)
RUNGGUN BATANG SERANGAN MEDAN**

JL. SEI BATANG SERANGAN NO. 2/97
TELP. KTR : (061) 452 7098 – RMH PENDETA : (061) 415 8454 –
HP : 082311920411

M E D A N

A. PERSIKAPEN

Perpulungen nikapken pusuh ras ukur guna ngadap man Tuhan
Pelayan ibadah ersikap i ruang persikapen
..... (*Musik*)

B. KEBAKTIN

1. Kata Penaruh

Mejuah-juah man banta kerina.

Arah kebaktinta enda, ate Tuhan Jesus nikapken pusuh ajar-ajar guna ngikutken dalam Tuhan i bas kiniseran lako engkelengi doni enda. I bas dampar si deban, Dibata pe ningetken kita kerna keleng ateNa si teridah arah kiniteruken ukur ras kesetianNa ngalaken kiniseran si jadi usihen man banta kerina.

Arah kebaktin enda me kita ipegegehi lako ngikutken dalam Tuhan, bagepe ngusih kiniteruken ukur ras kesetianNa. Enda me biak anak-anak Dibata selaku keluarga Kristus.

- Erkata Lonceng (*Perp. Tedis*)
- Rende : (*Serayan Kebaktin Bengket ku Mimbar*)

KEE No. 221 : 1, 2, 3 “Pesikaplah Ukurta”

1. Pesikaplah ukurta, adi ndahi Dibata,
Ukur si serbut si lit ‘bas kita, endeskenlah man baNa.
Refrain : Ban Ia si mereken pengadin, makana kita dorek min terkelin,
‘Di Yesuslah si bahan man Temanta, E tentu malem kel ateta.
2. Pesalanglah pusuhta, Adi nembah man baNa
Pusuh si gulut, si ndongkelisa, Totokenlah ku Ia *Reff* ...
3. Gejapkenlah dosanta, Adi ngadap Tuhanta
Dosa si runut, si ngampang kita Ampekenlah kempakSa *Reff* ...

2. Votum - Salam

L I bas gelar Dibata Bapa si tetap engkelengi doni enda, ibas gelar Jesus Kristus si setia nergaken kegeluhenta, ras i bas gelar Kesah si Badia si mpengasup kita nggeluh meteruk ukur dingen setia ndalani kegeluhenta. Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah si Badia ras kita kerina gelah.
Amin.

P Amin Amin Amin (*iendeken*)

3. Berita Kerna Kiniteruken Ukur ras Kesetian Dibata (Invocatio)

L “Kenca seh i rumah isungkun Jesus ajar-ajarNa nina, “Kai si ipersoalkenndu i tengah dalan ndai?”” (Markus 9 : 33b).
Erpalasken kata Dibata enda, sipuji ia alu radu ras ngendeken :

KEE No. 176 : 1, 2, 3 “Ibas Toto Kubelasken”

1. Ibas toto ku belasken, Seh man baNdu Tuhanku.
Ajar aku ‘lah ngaloken, si mehuli akapNdu.
Pertotonku bagi Yesus, sanga bas kinis’ranNa.
Labo peratenku Bapa, PeratenNdu jadilah.
2. Kai pe saja si mehuli, Ibas perbahanenNdu.
Bahan aku la nimbaki, Ngaloken bas geluhku.
Rehlah dage Kam o, Bapa, Tegu aku la puluh.
Labo peratenku Bapa, PeratenNdu jadilah.
3. Malem ate bas geluhku, Iban kekelengenNdu.
Ibas susah sampatiNdu, Kam kap penalemenku.
Kuakuken bagi Yesus, Sanga bas kinis’ranNa.
Labo peratenku Bapa, PeratenNdu jadilah.

4. Kinata Kegeluhen Manusia

(Perp. Kundul)

L Tuhan setia i bas ngergai kegeluhenta, igengkenNa kiniseran guna kiniulin geluhenta. Adi situlihkan ku bas kegeluhenta sedekah enda, kuga nge ndia kita ngergaken kesetian Dibata e ?

(Paksa Teneng)

L Kuga nge ndia kita ngergaken kesetian Dibata e ?

P O Tuhan, ngaku kami, maka megati kal kami la ngergai kekelengen ras kesetianNdu. Megati pe kami kurang nehken kekelengenNdu alu setia.
O Tuhan, alemilah salah lepak kami, dinging pegegehilah kami.

L Sipepaguhi pengakunta arah ende-enda :

KEE No. 412 : 1, 2, 3 “Bas Toto”

1. ‘bas toto ku endesken geluhku, ku Tuhan si njayam kegeluhen.
Begiken min pingko-pingkoku Tuhan.
Latih mberat baban kegeluhenku.
2. Ku bas tanNdu ku ‘ndesken geluhku, Ku ampeken me k’rina susah ku Jaga kawali aku o Tuhanku ‘lah ula ndabuh ibas dosa aku
3. Malem tuhu adi ku endesken, K’rina perdalanen kegeluhen
Sebab Kam si negu-negu anakNdu, Si tetap setia ernalem baNdu

5. Padan Dibata Kerna Penemani Geluh Manusia

(Perp. Tedis)

L Turang senina, adi siakuken salah lepakta man Dibata, isehkenNa me padanNa, ilakokenNa kai si bujur, ialemiNa janah ibersihkenNa kita i bas kerina perbahanenta si la payo, nina TUHAN :

*“Asa ndigan pe la kam Kutadingken, asa ndigan pe la kam Kupulahi”
Amin. (Heber 13 : 5c).*

Meriah ukurta, Dibata ngalemi kerina perbahanenta si la payo emaka sipuji ia arah ende-enda :

KEE No. 425 : 1, 2 “Adi ras Yesus”

1. Adi ras Yesus malem naring pusuhta,
i perdiatekenNa me kita ban kelengNa.
Amin gia jumpa erbage percuban,
La kap i tadingkenNa kita i sampatiNa.

Reff : Malem me ate Je kita pe dat dame ras keriahen ukur
Bene me kebiaren tading me keguluten,
Mberat jadi menahang, pusuh pe jadi salang.

2. Adi ras Yesus seh damena ukurta,
IbreNa kepentarenNa idur kuasaNa.
Ndauh me dage ukur ras ate ceda,
Ukur mehuli turah ban sialoken kataNa. *Reff* ...

6. Kata Dibata *(Perp. Kundul)*

- a. Marilah sibegiken Kata Dibata, bagin si pemena si ni ibuat ibas kitab
Masmur 116 : 12 - 14.

L Kai banci kuulihkan man TUHAN, kerna kerina kiniulinNa man bangku?

P Kupersembahkan lau anggur man TUHAN, kukataken bujur man baNa, erkiteken pengkeliniNa aku, kusingetken me gelarNa.

L I bas perpulungen kerina bangsaNa, kupersembahkan me kai si enggo kupadanken baNa.

Ketuaheh me kalak si megiken kata Dibata dengen si makekenca i bas kegeluhenna si teptep wari. Halleluya.

P Halleluya.... Halleluya.... Halleluya.... *(iendeken)*

- b. **Khotbah : Matius 26 : 36 - 46** *(ibenaken ras idungi alu pertoton)*

7. Pengakun Kiniteken *(Perp. Tedis)*

8. Persembahan Pengataken Bujur *(Perp. Kundul)*

L Dibata enggo nehken kekelengenNa man banta arah AnakNa Jesus Kristus, emaka genduari seh me paksana kita ngendesken persembahen pengataken bujurta man baNa. Kata Dibata si jadi palas i bas kita ngendesken persembahen pengataken bujurta :

“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Bdk. Roma 12 : 1).

Iher kita ngendesken persembahen pengataken bujurta man Tuhan Dibata, ras kita rende :

KEE No. 282 : 1, 2, 3 “Kukataken Bujur BaNdu”

1. Ku kataken bujur baNdu, o Kam Tuhan Penebus.
Aku enggo s’lamatkanNdu, arah lias ateNdu.
Reffrein : Keleng kal ateNdu aku, simpar kap ngaruhNdu bangku.
Lias ateNdu lanai terpilasi, ku puji Kam tep-tep wari.
2. Tergejap pasu-pasuNdu, I bas kegeluhenku
Rejeki arah dalinku, Icur-curkenNdu bangku *Reff ...*
3. Arah perkuah ateNdu, Mejuah-juah aku
Senang me kapen geluhku, Kupujilah gelarNdu *Reff ...*

Pertoton Persembahen ras Syafaat

9. Perpadanen Man Dibata *(Perp. Tedis)*

L Tuhan enggo nehken kekelengenNa alu setia ngalaken kiniseran guna kiniulin geluhta.

P Erpadan aku Tuhan, ateku setia i bas nehken kekelengen amin gia melala perbeben si man alanken.

L Tuhan ndilo kita anak-anakNa guna engkelengi geluhta, isi jabunta, sangkep nggeluhta bagepe sekalewetta selaku tanda kita anak Dibata si erkiniten.

P Erpadan aku Tuhan, ateku setia i bas nehken kekelengen alu nggeluh meteruk ukur i bas jabungku ras sekalewetku.

L Si pepaguhi perpadanenta arah ende-endenta :

KEE No. 324 : 1, 2 “Tuhan Kap Penalemenku”

1. Tuhan kap penalemenku, Ia si njayam geluhku.

Ia kap pe sekawalku, la nggo kekurangan aku.

Reffrein : Tuhan si mada si nasa, Tuhan saja si pehaga.

Muliakenlah gelarNa, mari puji sembah Ia.

2. Kune jumpa si mesera, Kiniteken labo pera
Tetap aku sampatiNa, K'leng ateNa la erleka *Reff ...*

10. Pertoton Tuhan

11. Pengutusan ras Pasu-pasu Dibata

L Turang dengen Senina, jadilah kam saksi kegeluhen si mehuli alu nehken kekelengen alu meteruk ukur dengen setia nandangi sekalewetndu. Janah guna gegehndu, alokenlah pasu-pasu idur Dibata Bapa nari :

“Dibata si enggo ndilo kam ku bas kemulianNa si rasa lalap i bas Kristus, Ia me njadikan kam serta, tetap, megegeh dengen paguh. Ia nge Si mada kuasa seh rasa lalap”. Amin.

P Amin... Amin... Amin... (*iendeken*)

12. Petugas Kebaktin Sendah, 02 April 2026 (Kamis Si Badia)

Pengkhotbah	: Pdt. Arapenta Perangin-angin, MTh (Ketua Klasis Medan Kuta Jurung)
Liturgis	: Pt. Ir. Jetro J. M. Ginting S.
Koordinator	: Pt. Ir. Albin S. Meliala
Kata Pengalo2/Ermomo	: Dk. Indra Christian Sitepu, S. Sos
Kata Penaruh	: Pt. Cornelia br Tarigan, SE, MM
Erkira/Lonceng	: Pt. Thomas M. Singarimbun
Ngalo-ngalo Perp.	: Pt. Handy Tarigan, S. Sos, M. I. Kom & Pt. Riahta br Bukit
Kolektan	: Dk. Efraim Tarigan, Pt. Daniel P. Bangun, S. Sos, M. I. Kom & Dk. Novita br Ginting
Pemandu Ende-enden	: Nd. Heber br Sitepu, Nd. Pamela br Silitonga & Nd. Nuel br Sinulingga
Organist	: Sherly br Sitepu
Koordinator Op. Sound	: Pt. Handy Tarigan, S. Sos, M. I. Kom
Operator Soundsystem	: Andreas Hiskia Sinulingga
Team Multimedia/TI	
1) Koordinator	: Pt. Empu Satrianta Sitepu. S. Sos
2) Op. Live Streaming	: Yohanes Shan Patu Susetya
3) Operator Easy Worship	: Anton R. J. Tarigan
4) Operator Kamera	: Hagai R. P. Pinem

....ooo0ooo....